

Lat.



Hive

regnum in fratrem Weidevvetum transtulit. Tandem
cum & hic jam senio debilitatus oneri huic ferendo non
esset, Pontifex itidem factus, dicitur se cum fratre Brutenō
Diis patriis immolasse. Vid. Henneb. lib. de V. P. p. 9. 10.
Weisfel. p. 18. a. Filii Weydevvuti putantur fuisse duode-
cim, quorum hæc fuerunt nomina: *Saymo, Neydro, Sudo,*
Slavo, Natango, Barto, Galindo, Warmo, Oggo, Pomezo, Colmo
& Lituo. Ab his Partes Prussiæ nostræ dicuntur nomina
sua sortitæ esse, ut dicerentur: *Samlandia, Nadrovia, Sudi-*
nia, Slavonia, Natangia, Bartonia, Galindia, Warmia, Ogger-
landia, Pomezania, Culmigeria. Sed LITUO Prussia relicta
Lithvaniam hodiernam sibi subjecisse eamque à suo nomi-
ne appellasse, Alanam quoque gentem omnem è Prussia
eduxisse perhibetur. Cojalovvicz l. c. p. 22. Alii alia de his
Regibus Alanorum Prutenō & Weidevvuto referunt, in
hoc tamen conveniunt omnes, ab his Prusfos Veteres o-
mnem cultum suum, ut & religionem accepisse. Verum
quid nobis hæc de re videatur paucis aperiemus. Ipsum *A-*
lanorum in Prussiam ingressum non negamus quamvis cer-
tum tempus determinare nequeamus. Nam hoc non ex
testimoniis tantum citatorum Authorum, sed etiam ex vi-
cinitate horum populorū, & forsan etiam ex Lingua Prussi-
ca Veteri probatur, quæ communis esse potuit *Alanis, Lith-*
vanis, & Prusfis, ut vicinis populis. A *Cimbris* hanc migra-
tionem derivare, ridiculum est, præsertim si attendantur
circumstantiæ, quas illi hic recensent. Ea etiam ferme
omnia quæ de *Prutenō, Weidewuto* filiisque ejus memoria
prodiæ sunt, fabulosa esse nobis persvasissimum est. Nam
primò cum de his rebus nihil habeant exteri Scriptores,
quis ea Veterum Prusforum aut Lithvanorum in tantâ po-
pulorum barbarie literis consignavit, undè sequens ætas
incorruptam illam haurire posset Historiam? Undè hæc
Cruci-

C. D.
DISSERTATIO HISTORICA
DE
IDOLOLATRIA
ET ALIIS SUPERSTITIO-
SIS RITIBUS VETERUM
PRUSSORUM,

Quam
Indultu Superiorum

SUB PRÆSIDIO
M. CHRISTOPHORI *Hartknochen*
Passenheim. Prussii.

Publico Eruditorum examini
submittit

FRIDERICUS WERNERUS,

Regiomonte Prussus.
Ad diem Junii horis locoq. solitis.

REGIOMONTI,
Typis FRIDERICI REUSNERI, SER. ELECT.
BRAND, ET ACAD. TYPOGR. 1675.

VIRIS

Nobilissimis, Excellentissimis, Experien-
tissimo, Amplissimis, Consultissimis, longo rerum
usu atq; Experientia Clarissimis

DN. JOHANNI GEORGIO STRAS-
BURG,

Med.D. & ejusdem Profesori Publico,

DN. M. JOHANNI RÖLINGIO,
Poeseos Prof. Publ.

DN. FRIDERICO GRUBE,

DN. CASPARO WERNERO,

DN. GEORGIO HOPNERO,

Reipublicæ Löbnicensis Senatoribus
gravissimis.

Fautoribus, Patronis, ac Parenti,
omni honoris, officiorum & amoris cultu
devenerandis

*Disertationem hanc in sui, studiorumq;
suorum commendationem
submisso animo
Consecrat.*

K. III. 18. (b)

Fridericus Wernerus,
Respondens.

C. D.

I.



Nter alias causas, quæ nos ab hac materia pertractanda retrahere potuissent, non minima est illa, quod antiqua Chronica, primis, ab ingressu Ordinis Teutonici, temporibus scripta, ad manus nostras non pervenerunt. Sunt quidē non pauci, qui olim res Prussicas literis tradiderunt, ex quib⁹ tamē vix unus & alter superest. Primus qui huic labori manū admovit, est *Jaroslavus* Canonicus Plocensis. Secuti sunt ipsum *Christianus* primus in Prussia Episcopus circa An. 1240. *Petrus à Düsburg* Eques Ord. Teuton. cujus Latinum Chronicon *Nicolaus Jeroschinus* Germanicis versibus reddidit. *M. Alexius à Nufwurz* Sacerdos Thoruniensis. *Joannes Lindenblatt* Officialis Risenburgensis, quorum omnium Chronicis Mss. usus est *Simon Grunovius* Tolkemita Prussus Monachus Ord. Prædicatorum, cum Chronicon suum, in XXIV. Tractatus divisum, conscriberet, ut testis est Hennebergerus in Præfat. ad libell. de Veteri Prussia. Ex dictis Chronicis Caspar Hennebergerus tantum duo habuit, nempe Petri à Düsburg & ipsius Grunovii. Hic Grunovius Thomæ Clagii dicitur: *Prutenâ primus in Historia*, lib. II. de Virgine Lindensi cap. II. pag. 170. & lib. I. cap. VII. pag. 36 appellat eum Clagius *inter rerum Prussicarū Scriptores facile Principē*. Nobis neq; horum copia facta est. Non desunt tamē qui antē & post tempora Grunovii res Prussicas literis consignarunt, quorum Scripta supersunt, ut sunt (præter alios, quos Casp. Schuz & Casp. Henneberg. in princ. Chronicorum

enumerant,) *Episcopus* quidam *Paderbornensis* qui *Chronicon* Magistrorum sive *Chronicon Ordinis*, ut dicitur, scribere coepit, quod adhuc MS. in Bibliotheca Electorali asservatur. Sub initium Seculi Superioris conscripsit *Erasmus Stella* duos de Antiquitatibus Borussorum libellos eosque dedicavit *Friderico* Magistro Ordinis Teutonici in Prussia, Duci Saxoniae. Habentur hi Tomo I. in Corpore Hist. Polon. Post *Grunovium Joannes Meletius* Archipresbyter *Lycensis*, licet Historiam Prussicam non scripserit, ejus tamen Epistola, ad *Georgium Sabinum* primum Acad. nostrae Rectorem de Religione Veterum Borussorum scripta, & An. 1551. hic *Regiomonti* impressa, postea verò An. 1563. à filio ipsius *Hieronymo Meletio* iterum edita, multa continet ad hanc materiam facientia. Deinde sequitur *M. Georgius Ranis*, cujus libellus sine Authoris nomine impressus est *Elbingae*, teste *Henneberg.* lib. de Ver. Pruss. p. 1. 6. Forset autem illud ipsum est *Chronicon*, quod edidit *Wolfgangus Dietmarus* Typographus *Elbingensis* Anno 1564. *Georgium Ranis* ut Ducem suum sequitur *Johann Daubmannus*, cujus liber hic *Regiomonti* impressus est, ut testatur *Dionysius Runau* in fine Praefat. Ipse *M. Dionysius Runau* *Dirfaviensis* Prusus descripsit Bellum Prussicum ab An. 1454. usque ad An. 1466. gestum. Cui adjecta est Descriptio belli biennalis inter *Sigismundum I. Reg. Pol. & Albertum March, Brandeb.* Impressus est liber *Wittebergae* An. 1582. sed nos nihil potuit juvare in proposito nostro. Praeter hos est adhuc *Martinus Murinus*, qui Superiori Seculo *Chronicon* quoddam Germanicum in Linguam Polonicam translatum publici juris fecit. Cumque hujus libri exemplaria essent distracta, adornavit alteram Editionem *Simon Kempinus*, Typographus *Cracoviensis*, eamque Anno 1606. *Thorunienfibus* dedicavit, quibus & prima Editio fuerat dedi-

cata. Ad eadem ferme tempora referendi sunt tres *Authores Anonymi*, quorum Chronica MSS. hic etiam perlustravi. Circa eadem tempora vel paulò ante Chronicon suum conscripsit *Casparus Schurz*, quod adhuc in multorum est manibus. Deindè An. 1584. edidit *Casparus Hennebergerus* libellum suum de Veteri Prussia: Anno autem 1595. publicavit sua ad Geographicam Prussiæ Tabulam Commentaria, sive suum Chronicon. Sub ipsum Seculi Superioris exitum (An. 1599.) edidit *Thomas Waissellius* Bartenstein. Pruss. Chronicon Prussicum, Livon. & Curlandicum. Tandè An. 1657. impressa est Harleми *Historia Prusica* Anonymi cujusdam, Belgicè scripta, in forma, ut vocât, quartâ. Quamvis verò *Author* ejus profiteatur se Historiam hanc suam ex multis *Authoribus* collegisse, ad verbum tamen ferè tres tantum libellos Hennebergeri de Veteri Prussia in Linguam Belgicam transtulit. Addendi sunt his *D. Cælestinus Mislenta*, qui in Prolegomenis ad Manuale Prutenicum, de Religione Prussorum egit, ut & *Thomas Clegius* Jesuita, qui in Libb. de Virgine Lindenſi sive in Linda Mariana quædam huc pertinentia annotavit. Hos *Authores* in Dissertatione hac nostra sequemur. Juvabunt etiam nos non parum *Lituanorum* (qui proximè antè Germanorum in hanc Provinciâ sub Ordine Teutonico ingressum Prussiam inhabitaverunt, de quibus Prussis præcipuè nobis est sermo (item *Gothorum* (in quorû locum Alani sive Lithvani successerunt) ut & *Polorum* aliarumq; gentium Scriptores. Licet autem antea enumerati Scriptores, quibus hic usi sumus sint recentioris ævi, in plurimis tamen tutò ipsis fidem habere possumus, cum sua, quæ nobis tradiderunt, partim ex *Authoribus* fide dignis hauserint, ut ipsi sæpè testantur, partim etiam multa ipsi oculis suis viderint, ut de Patre suo testatur Hieronymus Meletius in Præfat. Epist. supra citatæ. Paganismus enim

non adeo facilè potuit eliminari, quin reliquæ ejusdem
ferè usq; ad nostra tempora remanserint. Quod multò ma-
gis dicere licet de Superiori Seculo. Testantur enim D. Da-
vid Voitus, Johannes Funccius, Georgius Sabinus & alii
infra citandi, non fuisse Paganorum ritus sub Ordine Teu-
tonico planè inhibitos, donec Albertus Senior primus Dux
Prussæ Idolatricum Deorum quorundam cultum planè
eradicaverit.

II. *Omnes homines aliquam de Deo cognitionem habent,*
asserente Philosopho lib. I. de Cœlo cap. III. t. 22. Et ut Ci-
cero loquitur; *Nulla gens tam fera, nemo omnium tam est imma-
nus, cujus mentem non imbuerit Deorum Opinio.* lib. I. Tuscul.
n. 30. Sic etiam Prusii Veteres, licet spissis gentilium erro-
rum tenebris involuti, Deos tamen esse confesi sunt. Imò
referunt Scriptores Prussici, quod antiquissimis tempori-
bus ante adventum Scandianorum, sive potius Alanorum
sub Weidevvuto & Pruteno, cum adhuc essent adeò rudes,
ut non crederent quenquam per literas posse animi sui sen-
sa alteri expromere, agnoverint tamen in illa simplicitate
Deos esse. Quapropter illos fermè Deorum loco habuerunt,
quos legendi scribendiq; peritos videbant. Colebant au-
tem tum omnium ferme gentilium exemplo SOLEM ut
& LUNAM & STELLAS. Postquam verò in Alanorum
transiissent mores, ipsorum etiam Deos ex instituto Weide-
vvuti & Bruteni colere cœperunt, inter quos præcipui, vel
ut Latini vocant Dii majorum gentium erant tres PICOL-
LOS, PERCUNOS, PATRIMPOS, qui habitasse dicuntur
sub *Quercu* in urbe *Romove*. Henneb. in tract. de Ver. Pruss.
p. 7. ex Sim. Grunovii tractatu III. cap. III. Mihi, ne quid hic
dissimulem, de tribus his majorum Gentium Diis, ut & de
quercu illa in urbe *Romove*, aliud quid non rarò visum est.
Videlicet videbam apud antiquiores Historicos qui de
Prussor

Prussorum Veterum Idololatria antè Simonem Grunovium
aliquid literis consignarunt, nullà illorum fieri mentionem
Nam neq; apud Vincentium Kadlubkonem antiquum
Historiæ Polonicæ Scriptorem, neq; apud Aeneam Sylvium,
neq; Joannem Dlugossum, neq; apud Erasmum Stellam,
neq; apud Matthiam de Michovia, neq; in Chronico Ordinis
MS. neq; apud Joannem Meletium quicquam de illis
reperitur. Quamvis quidam eorum urbis Romove & Pontificis
Crive in Romove residentis meminerint. Alii etiam
Prussorum Deos enumerant, ut Solem, Lunam, Stellam, homines,
Serpentes, Bubones, non faciunt tamen ullam de
tribus illis Diis mentionem. Insuper Joannes Meletius
quamvis sibi hunc laborem sumpserit, ut Religionem Prus-
sorum Idolatricam ex professo describeret, nihil tamen ha-
bet de tribus illis Diis majoribus, præcipuoq; ipsorum cul-
tu: sed, ut ex sequentibus apparebit, illos inter communes
Deos recensere videtur, quod etiam faciunt Georgius à Po-
lenz & Paulus Speratus Episcopi in Præfat. Agendæ Ecclesi-
asticæ An. 1530. scriptæ. Erasmus Stella itidem asserit Prus-
sos Veteres adorasse *tonitrua fulgetrasq;* lib. II. Antiq. Sed de
singulari illo Deorum cultu nihil habet. Ex his fermè col-
ligebam Simonem Grunovium hæc omnia confinxisse.
Sed cum antiqua Chronica non sint ad manus, quid hæc de
re certò statuam, non habeo. Sequar tamen hic communem
hanc sententiam, quoniam illam exactè cum Deorum cul-
tu apud Gothos convenire video. Quod enim ternarium
Deorum numerum concernit, illum Alani in Prussiam in-
gressi, à Gothis antiquioribus Prussiæ incolis videntur esse
mutuati, apud quos etiam tres Dii majorum gentium fuere
cultri nempe *Thor, Odhen & Frigga*. Vid. Adam. Bremens.
lib. de Situ Dan. & Reliqv. Septentrionalium Regionum
cap. XCI. seqq. p. 152. Olaus Magnus lib. III. Hist. Septentr.
cap. III

cap. III. Joh. Schaeferus in Vpsalia Antiqua cap. V. seqq. & in Lapponia cap. VII. Confirmat nos in sententia nostra Erasmus Stella qui refert Widedvutum Sacerdotes à Sudinis (intelligit autem Sudinos in illis locis habitantes, ubi nunc habitant, & ubi nos Gothos olim habitasse alibi probavimus) sociis populis accersivisse, qui eos quæq; animalia ut serpentes &c. religiosè colere docuerunt. lib. II. Antiq; Boruss, post princ. Licet autem trium illorum Deorum mentionem non faciat, illud tamen sufficit quod testetur Widedvutum à *Gothis* cultum Deorum didicisse. Neq; hoc parum sententiam nostram firmat, quod Prussici Scriptores Widedvutum faciunt Principem *Scandinavicum* i.e. *Gothicum*, qui Prussos cultum horum Deorum docuisse fertur. Vid. Weisselius in Chron. p. 17. & alii. Hoc eò magis cogimur credere, quia Lithvani quibus Prussi illi originem suam debent, licet *Percunum* ut Deum coluerint, non leguntur tamen tres Deos præ reliquis coluisse.

III. Sed clarius hæc patefcent si in specie singulos Deorum describamus. Primū locum vendicabat sibi PATELO vel POTOLLO. Sed rectius ab aliis scribitur PIKOLLO vel PECOLLO i.e. *Deus inferorū*, ut explicat Waisselius. Hēneb. verò *Diabolum* illam vocē significare vult, in Chron. in voce *Trisaltigfeit*. Prior explicatio videtur esse melior. Pikollo enim sine dubio à Slavonico vocabulo *Piekto* descendit, quod infernum significat. Formam ejus sic describit Thomas Clagius: *Cui (Pikollo) promissa & cana barba, caput fascia candida, ad instar Diadematis redimitum, facie quæ & hominem & equum & simul bovem referebat, pallidā & sursum prospectante.* lib. I. Lindæ Marianæ sive de Virgine Lindenli cap. VIII. Sed Hennebergerus, Waisselius & Schuzius tam monstrofi capitis non faciunt mentionem, hoc tantum memorantes quod fuerit facie pallidā. Hunc Pikollum dixe-

ris fuisse *Othinum* vel *Wodanum* Secundum Deum Gotho-
rum, quem etiam *Deum mortuorum & inferorum* fuisse pro-
bat Johan. Schæfferus in *Vpsalia Antiqua* cap. VII. p. 77.
seqq. Secundum locum obtinebat *PERCUNOS*, malè à
Gvagvino dictus *PETUNO*. Illic igneam prorsus & ira ar-
dentem faciem præferabat, uti & caput flammis coronatum,
& crispam innodemq. nigricoloris barbam. Clagius l. c. p. 44.
Habitus fuit Deus fulminis & tonitruum aliarumq. tempe-
statum, undè hodiè adhuc apud Lithvanos *perkunos*
idem significat quod *tonitru*. Hunc *Percunum* Dietmarus &
Waisselius primo loco numerant, quod etiam convenire
magis videtur *Thoroni* Gothorum Deo. Nam & hunc Deo-
rum primum faciebant Gothi, præficiabantq. *tonitru* &
tempestatibus. Adam. Brem l. c. p. 152. Quin, ipsum nomen
Thor à *tonitru* quidam deducunt, ut Cluver lib. I. German.
Antiq. cap. XXVI. & Vossius lib. II. de Idololatr. cap. XXXIII.
Schæfferus putat non à *tonitruis* *Thoronem*, sed contra potius
à *Thorone tonitrua* esse diciq. in *Vpsal. Antiq.* cap. VI. p. 50.
Tertius Deus Prussorum fuit *PATRIMPUS* sive *POTRIM-
PUS* imberbi ac letantium ridentiumq. in morem liberaliter ex-
porrectâ facie, referebat juvenem, caput viridante è spicis coro-
na præcinctum. Ridebat enim *Perkuni* torvum in se tuentis sive
immanitatem, sive vanam sine viribus iram. Clagius l. c. Hen-
nebergerus dicit hunc fuisse Deum *frugum & bellorum* de
Vet. Pruss. p. II. b. Martinus Murinius putat *Patrimpum* di-
ctum fuisse, ac si idiomate Polonico diceres *Bog Oyczy-
Richy* i. e. *Lar*, sive ut ipse Murinius addit: *Dii Penates*, For-
san itaq. hanc vocem deducit à Græco simul & Latino *Pa-
pas* sive *Pater* Vid. Murin. in Chron. Pruss. cap. IV. p. 6. Hic
Patrimpus facie sua imberbi referre videtur *Friggam* Gotho-
rum Deam, quæ ab aliis gentibus *Freja* i. e. *Venus* à *Grenen /
& Hertba* i. e. *die Erde* mater omnium rerum, ab aliis etiam
Luna

Luna dicebatur, *Venus* autē aliquando non est alia quam *Bellona*. Dicebatur *Frigga* fuisse Dea præfecta *Voluptatibus* apud *Adā*. *Bremēsem*, item *Bellū*, ut ea cōponeret, ut patet ex *Paulo Warnefridi* de gest. Longobard. cap. VIII. & tandem *Frugibus* ut ex *Erico Vpsaliensi* probat *Schæfferus* de *Vpsal*, Antiq. cap. VIII. p. 96. Quæ omnia etiam *Prussorum Veterum* Patrimpo conveniunt. Neq; obstat sexus diversus. Nam, ut jam *Adamum Bremenlem* præteam, qui hoc Numen non *Friggam* sed *Fricconem Deum* appellat, hoc saltem addo, quod de *Philochoro* *Macrobius* dicit: *Eandem* (Venerem) *affirmat esse Lunam*. Nam & ei sacrificium facere viros cum veste muliebri, mulieres cum Virili: quod eadem & mas existimatur & femina, lib. III. *Saturnal.* cap. VIII. Hinc facile *Prussi* idem Numen, quod apud *Gothos* fuit formā muliebri, potuerunt effinxisse habitu Virili. Tribus his Diis majorum Gentium addiderunt *Prussi* alios tres Deos minorum gentium, idq; rursus ad exemplū *Gothorū*, apud quos etiam tres Deos minores fuisse, author est *Olaus Magn.* lib. III. c. IV. Fuerunt autē tres illi *Prussorū* Dii, sequentes *WORSKAITO* Deus jumentorū & cœterorum quadrupedū animantium, *ISCHWAMBRATO* (apud *Waisselium* *SCHWEIBRATO* dicitur) Deus gallinarum, anserum aliarumq; avium. *Henneb. de Vet. Pruss.* p. 9. seqq. *GORCHO* Deus cibo potuiq; præfectus, quem *Prussi* à *Maloviis* accepisse feruntur. *Henneb. in Chron.* fol. 156. De prioribus duobus memorant *Scriptores nostri*, quod primi Reges *Prussorum* *Widewutus* & *Prutenus* fratres, decrepitā jam ætate pro suorum salute se devoverint, & ut Deorum commercio jam fruituri, suorum facilius promoverent salutem, ultro se in pyram è lignis quernis accensam conjecerint. Inde à *Prussis* in Deos fuerint relati, & *Widewutus* sub nomine *Worskaiti*, *Brutenus* verò sub nomine *Schwveibrati* fuerint culti. *Henneb. de Vet. Pruss.* p. 11. seq. *Clagius* l. c. p. 42.

IV. Præter enumeratos illos majorum minorumq;
gentium Deos, habuerunt & alios tertii Ordinis Deos Prus-
si, idq; rursus ad exemplum Gothorum, de quibus Vid.
Olaus Magnus lib. III, cap. IV. Fuerunt autem Dii illi Prus-
sorum sequentes: OCCOPIRNUM Deus cœli & terræ. AN-
TRIMPUS Deus maris. GARDOÆTES Deus Nautarum.
PILVITUS sive PELVITUS Deus Divitiarum, quod nomen
cum Latino *Plutus* fere convenit. PERGUBRIUS Deus
florum, plantarum & omnium germinum. Lithvanii aliq;
appellarunt hunc Deum Ziemienik; PUSCÆTUS qui sa-
cris lucis præerat. Hunc Martinus Murinius PASCHVI-
TUM appellat. AUSCEUTUS sive AUSCHWEITUS Deus
sanitatis & ægrotudinis. MARCOPOLUS Deus Magnatum
& Nobilium. Hos Deos enumerat Johan. Meletius. Addit
etiam alios quosdam, qui tamen iidem sunt cum illis, quos
inter Deos majorum gentiū numeravimus. Ut PARGNUS,
quem Meletius facit Deum tonitruum & tempestatum, sine
dubio est PERCUNUS. Deinde POCCLUM facit Deū infer-
ni & tenebrarum: POCOLLUM verò Deum aëreorum Spi-
rituum. Ego putaverim *Poclum* & *Pocollum* fuisse unum eun-
demq; cum illo, quem supra inter Deos majores primo
loco commemoravimus. Illud tamen inde colligere licet
Prussos postremis temporibus, postquam tres illi Dii à Bo-
leslao Chrobri Rege Polon. fuere combusti, discrimen illud
inter majores & minores Deos sustulisse, omnesq; pari
gradu habitos in sacris suis invocasse. Vel etiam, ut licet su-
spicari, videntur Prussi Veteribus illis Diis jam à Polonia
Rege combusti alios præposuisse, inter quos primus fuit
Occopirnum ut supremus cœli terræq; Dominus. Addit supra
enumeratis Diis Waisselius etiam PERDOYTUM Deum
Navium. Credebāt enim Prussi in mari ingentis magnitudi-
nis Angelum sive Deum consistere, & quo ille se verteret, eò

etiam ventos spirare. Et si Angelus ille ad iram concitaretur, credebant ipsum pisces flatu suo abigere, imò etiam necare. Weiffel in Chron. p. 26. & seqq. Et SCHWAYXTIXTUM Deum luminis vid. Weiffel p. 19. *Quartum* Genus Deorum Prussicorum constituunt illi, quos alii BARSTUCKAS, alii MARCOPETAS appellant & fuerunt ipsis Dii subterranei, *Pleine Erde-Geute*. Waiffelius dicit eos fuisse habitos ut ministros Deorum: Murinius eos in specie *Pasviti* Dei ministros facit. Cum Barstuccis & Marcopetis forsàn iidem fuerunt, quia Joanne Meletio lingua Rutenicà appellari dicuntur *Coleki*, Gracà *Coboli*, Germanicà *Coboldi*. Hos licet Meletius distingvat à Barstuccis, alii tamen eosdem esse statuunt. Statura ipsorum ulnam non excedere credebatur. Apparebant autem præsertim ægrotis noctu, lunà lucente, credebantur etiam nutritoribus suis afferre frumentum ex ingratorum horreis ablatum. Martin. Murin. in Chron. Pruss. cap. V. p. 9. Ejusmodi viranculos domesticos, qui domestica opera solebant obire, habuisse videntur Gothi in Septentrionalibus Regionibus, teste Olaò Magnò. lib. III. c. X. *Quintum* Genus Deorum Constituebant SERPENTES, qui & apud Ægyptios, Gothos, Indos, Calcutenses, Samogitas fuerunt pro Diis culti, quò nihil acceptius fieri potuit Diabolo, qui primos nostros Parentes sub specie Serpentis decipit. Quàm pertinax ille cultus fuerit, docemur à Sigismundò L. B. ab Herberstein, qui memorabile exemplum hujus rei de Lithvanò quodam commemorat: Cùm, inquit, *priori ex Moscovià itinere rediens in Troki venissem, referebat hospes meus, ad quem fortè diu verteram, se eodem, quò ibi eram anno ab ejusmodi quodam serpentis cultore aliquot alvearia opum emis- se, quem cum oratione suà ad verum Christi cultum adduxisset; utq; serpentem quem colebat, occideret, persuasisset; aliquanto post, cum ad visendas apes suas eo reversus fuisset, hominem sa-*

cit

facie deformatum, ore aurium tenuis miserabilem in modum de-
ducto offendit. Tanti mali causam interrogatus, respondit, se
quod serpenti Deo suo manus nefarias injecisset, ad piaculum ex-
piandum luendamq; pœnam, hac calamitate puniri: multaq; gra-
uiora, si ad priores ritus suos non rediret, se pati oportere. In
 Comment. rerum Moscovit. fol. 84. Conf. Scaliger adv. Car-
 danum Exercit. CLXXXIII. sect. 2. & Gerh. Joh. Vossius lib.
 IV. De Orig. & progressu Idololatriæ cap. LXIII. BUBONI-
 BUS etiam Prussos Divinos honores detulisse, testantur Au-
 tor Chronici Ordinis in Hermānō de Salza fol. 28. b. & Gva-
 gvinus in Sarmatiā Europæā in Prussis descriptione. Inter
 Feras præcipuè ALCEM honorarunt, Erasmi. Stella lib. 2.
 Antiq. Boruss. non logè à princip. *Sextum Genus Deorum*
 apud Veteres Prussos constituebant *res inanimatae*, ut præter
Solem, Lunam & Stellæ, de quibus supra, IGNIS. Henneb.
 de Vet. Pruss. p. 12. LACUS & FONTES, Helmold, lib. 1.
 Chron. Slav. cap. 1. Johann. Dlugois. Tom. II Hist. Polon. lib.
 II. ad An. 997. D. Cœlestinus Mislenta refert, esse in tractu
 Insterburgenfi vicum cognomento Napirsken, quem
 præterlabitur fluvius *Golba*, cujus adoratores olim mono-
 culos fuisse redditos, iludq; magna gratiæ signum fuisse, in
 Præfat. ad Manuale Pruten. SYLVAS & Singulas etiā quas-
 dam ARBORES adorabāt de quibus in sequentibus. Tandē
 Gvaginō teste OMNES PENE CREATURÆ fuerunt à Prus-
 sis cultæ, ita tamen ut singulæ PROVINCIÆ unum ali-
 quem Deum ex dictis sibi vendicarent præ reliquis. Sic
 enim Chronici Ordinis Autor scribit. Ein jegliches von obbes-
 melten Landen zu Preussen hatte einen sonderlichen Abgott /
 den sie anbeteten vor ihren Gott. Eines theils beteten die Son-
 ne an / etliche den Mond / etliche die Sterne. Item. Leute /
 Thiere / Schlanaen / Krotche / den Donner. Etliche hielten
 die Walde und Büsche heilig / etliche die Wasser fol. 28.

V. Deinde lubet etiam inquirere, in quibusnam locis antiquitus Prusii Deos suos coluerint. Primarius locus, ubi tres Dii majores fuerunt culti, dictus fuit ROMOVE urbs à Romà sic dicta. Ubi autem urbs illa sita fuerit, ignotum ferè est, ut ostendimus in Disputat. De Orig. Prus. num. XXI. Quod non frustrà, sed divinà id ordinante providentià contigisse credendum est, videlicet ne Prusii veteres, sub Ordinis Teutonici imperiò adhuc ad idolatriam proni, ad locum illum, Deos suos adoraturi, confluerent. Appellant alii hunc locum ubi tres illi Dii colebantur *Rykaioth*. Henneb. tract. de Vet. Pruss. p. 11. b. & 13. Alii autem *Romove* distinguunt à *Rykaioth*. Dicunt enim Deos minores fuisse cultos in *Rykaioth*, majores autem in *Romove*. Et ita insuper hac de re loquuntur ac si multa fuerint loca *Rykaioth* dicta: sic enim Autor quidam Chronici Prussici Anonymus: Die gemeine Stellen / da sie die gemeinen Abgötter ehreten / wurden *Rykaioth* genandt. Aber die Stelle / da die grosse Enche war / darin die drey Abgötter waren / und der Hohepriester seine Wohnung hatte / die hießen sie *Romovenach Rom*, quæ ad verbum exscripsit VVeissel in Chron. Pruss. p. 18. a. Specialis locus in quo Deorum cultus exercebatur plerūq; fuit QVERCUS quæ & apud multas gentes, ut Romanos, Græcos, Celtas, Jovi Deorum præcipuo sacra fuit Vid. Maxim. Tyrius Serm. XXXVIII. Eligebant autè Prusii in hunc finem sæpius quercum insignis proceritatis. Tales quatuor præcipuas fuisse in Prussià legimus. Præ reliquis omnibus eminebat *Quercus Romove*. Cujus diameter ad sex omnino cubitos, sive Geometricos pedes duodenos, protendebatur. In summitate fuit latissima, & ramis mutuum inter se nexis, adeò impervia, ut pluvia per ramos & folia nullò modò posset penetrare. Et quod majorem admirationem meretur in hyeme quoq; viridis conspiciebatur. Henneb. in Chron. fol.

fol. 465. & VVeissel. p. 17. b. Schuz. in Chron. Prufs. fol. 2. seq. id quod etiam Scriptores referunt de illa arbore prope Vpsaliam Diis Gothorum dicata, quod semper vireret, licet non fuerit ex earum arborum genere, quod aliàs naturā suā semper virere consuevit. Vid. Olaus Magnus lib. III. cap. V. Fuit autem tripartita. Ex unā parte Prutenorum Deum, qui Percunus dicebatur habebant. Ex alterā parte Potrimpos idolum fuit. Tertiā in parte Picollos idolum situm erat Alex. Gvagvin, in descript. Prusis p. m. 321. seq. Addit Hennebergerus quod Percuni facies iracunda fuerit Potrimpo obversa. Hæc quercus adeò Sacra esse putabatur, ut si folia ejus homines vel pecudes de collò suspēsa portarent, præferrentur ab omni futurò infortuniò. Henneb. de Vet. Prufs. p. 12. a. *Secunda* inter celebriores illas Quercus fuit prope oppidum Heiligenbeil/ quæ *Gorcho* fuit dicata à VVeidevutō. Ad eam excindendam cum Anshelmus primus Episc. VVarmiensis aliquem misisset, contigit ut securis in everso rem iectum converteret. Hoc miraculum cum Prussicis gentibus innotuisset, securi Deo consecratā, urbem, quæ antea dicebatur Schvventomest, i. e. Hieropolis, posthæc appellarunt Sanctam Securim Heiligenbeil Henneb. in Chron. fol. 156. Schuz Chron. p. 4. Quamvis alii aliundè hanc appellationem deducant teste Schuzio l. c. *Tertia* quercus raræ proceritatis fuit ad Vistulam probè urbem Thoruniensem vel propè Mariæburgum, quam quercum equites Ord. Teuton. Prusiam ingresuri in modum castelli erectis propugnaculis juxta ripam muniverunt. vid. Æn. Sylvius in descript. Europæ cap. XXIX. Dlugos. lib. VI. fol. 580 Henneb. in Chron. Prufs. pag. 452. tit. Thorn VVeissel. pag. 48. b. Hæc quercus adeò fuit celebris, ut etiam Author quidam Belgicus, putet, ibi fuisse tres illos Deos majores cultos, sed sine dubiò perperam hæc asserit. *Quarta* quercus fuit prope oppidum

Velau & pagum *Oppen* quæ tantæ fuit magnitudinis, ut cum excavata esset, eam eques ingredi, ibiq; equum suum in gyrum potuerit circumagere, quod adhuc superiori seculò fecisse fertur *Serenis*. Princeps *Albertus Senior*, ut & filius ipsius *Serenis*, *Fridericus Albertus*. Habuit truncus ejus in circumferentiâ 27. ulnas. Cujus rei testimonium à *Senatu VVelaviensis* oppidi habuisse se testatur *Hennebergerus*, paulò enim ante jam conciderat, non tàm propter vetustatem quàm hominum ad eam accedentium culpam. Quicunq; enim ad eam visendam accesserat, statim nomen suum cortici incidebat, quò factum est, ut tandem arbor illa, post hominum memoriam, ut *Hennebergerus* putat, maxima, exaruerit. *Henneb. in Chron. fol. 472 seq.* Et ibi Deum aliquem fuisse cultum, non est quod dubitemus. In aliis cavis quercubus foeminae solebant serpentes lacte nutrire, eosq; ut Deos colere. *Henneb. de Vet. Pruss. pag. 12. a.* Deinde præter quercum etiam *TILIA* ab ipsis fuit pro Deo culta, aut tantùm sacrata, ut ad eam Dii alii colerentur, qualis *Tilia* adhuc fuit tempore *Hennebergeri* prope pagum *Schakunicum*, ad quam illò adhuc tempore multi confluebant. *Henneb. in Chron. fol. 416.* Porro sub *SAMBUCO* etiam Dii habitasse credebantur, imò adhuc hodiè quibusdam in locis apud rudem plebeculam superstitio hæc remanet, ut credat, sub *Sambucò* morari homunculos illos subterraneos *Barstuccas* à Veteribus *Prussis* dictos, quod & mihi olim puero mulierculas aliquoties retulisse memini. *Johannes Meletius* in specie *Putscatum* Deum sub *Sambucò* habitasse dicit. De *Gothis* in *Sveoniâ*, quod arbores colant, dicit *Scholias*tes *Adami Bremensis* ad pag. 152 n. 91. *Prope templum*, inquit, *est arbor maxima latè ramos extendens æstate & hyeme semper viridis; cujus illa sit Generis scit nemo. Ibi etiam, est fons ubi sacrificia paganorum solent exerceri.* Hæc ille. Deniq;

totæ etiam SYLVÆ propterea fuerunt sacræ, quia credebant
in illis Deos habitare secundum illud Poëtæ:

Habitarunt Dî quoq; Sylvas.

Ejusmodi Sylva Diis dicata fuit propè pagum Pöbeten in
Samlandiâ teste Henneb. in Chron. tit. Pöbeten fol. 350.
Conf. Erasmi. Stella l. c. Mechovius lib. IV. cap. 45. Jodoc
VVillich. in Comment. ad Tac German. Part. I. cap. 14. p. 476.
Eadem de *Gothis* in Sveoniâ habitantibus tradit Adamus
Bremens. Sec. XI. Scriptor: *Corpora immolatorum*, inqui-
ens, *suspenduntur in lucum, qui proximus est templo. Is enim*
lucus tam sacer est gentilibus, ut singula arbores ejus ex morte
vel tabò immolatorum divina credantur. in lib. De Situ Da-
niæ & reliq. Septentr. Regionum cap. XCIV. (233.) p. 153. Alii
etiam Dii colebantur in *Domibus*, ut *Serpentes* sub fornace
vel in angulò vaporarii. Et *Coliky* in *Occultis adium locis*, vel
in *Congerie lignorum* Divinis honoribus afficiebantur. Joan
Melet. l. c.

VI. Antequam ad ipsum modum cultûs Divini acce-
damus, videndum nobis prius erit, per quosnam cultum
illum instituere fuerint soliti. Primus & supremus eorum
Pontifex dictus fuit *Krive* qui in urbe *Romovâ* residebat,
teste Johanne Dlugoskò; lib. II. ad an. 997. Alii ipsum vo-
cant *Crive Kirveito*. VVeisselius etiam in quibusdam Chro-
nicis reperisse se dicit hoc nomen ita scriptum *Ewarto Kryve*
sive *Krilbe* pag. 18. Deinde legit *Ewarto Grille*, & pag. 27. a.
Ewarto Grille sive *Kyrille*. Hennebergerus Pontificem hunc
à Masoviis aliisq; ipsum honorantibus *Crive*, à Prussis verò
Kirveite dictum fuisse dicit, in Tract. de Vet. Pruss. pag. 13.
In significatione quoq; vocis explicandâ variant Authores.
Quidam putant Pontificem hunc primo appellatum esse
à Prussis *Kirie Kirieito* deductâ adpellatione à *κρίειν*, ac si
diceret *Sanctus Sanctorum* vel *Sanctus Sanctissimus*. Deinde
verò

verò ab hominibus rudibus id corruptum esse in Crive Kir-
 veito, ut habet Murinius in Chron. Pruss. cap. III. p. 4. idem
 innuunt Gvaginus in descriptione Prussiae & Albertus
 Wijuk Kojalovvicz Part. I. Hist. Lith. lib. I. pag. 21. Qui Ger-
 manicè Chronica Prusica conscripsere mirè se torquent in
 explicandà hanc vocem. Hennebergerus dicit illud nomen
 idem significare quod Unser Herr / nechst nach Gott / oder
 Gottes Mutter, in Tract. de Vet. Pruss. pag. 13. Alius Autor
 Anonymus, cujus Chronicon MS. exstat, sic illam vocem
 exponit : Dieser ist unser Herr nechst Gotte / ohne seinen Wil-
 len wollen wir nichts thun / wir sollen und wollen ihm folgen
 gleichsam unsern Göttern. Quæ verba ex ipsò exscribit V Vais-
 sel. in Chron. p. 17. Casp. Schuzius dicit quod Prusorum lin-
 gua Kirvayte significet den Mund Gottes / in Chron. fol. 3.
 fin. In Dietmari Chronico dicitur, quod hæc vox inter alia
 significarit idem quod, Glück unsern Göttern. Thomas Cla-
 gius Kirvvaite Divinam mentem significare notat lib. I. Lindæ
 Marian. c. VIII. p. 44. Sed quid de his interpretationibus sit
 judicandum faciliè apparet. Hic Pontifex tantæ fuit apud
 Prussos authoritatis ut etiam beatum se prædicarit, cui ipsū
 videre aliquando contigit. Imo & apud Masovios, Samogi-
 tas, Lithvanos, Russos & Livonos, tantum ipsi deferebatur
 honoris, ut etiam ab eò missos magnò affecerint honore si
 modò Signū aliquod ab illò sibi datum ostenderint. Simile
 quid de Tartarorū Rege tradidit Marcus Paulus Venetus, lib. I.
 de Regionibus Oriental. cap. IV. Conf. & lib. I. cap. IX. Ille
 Kirvantes senio confectus poterat se in honorē Deorum pro
 populo devovere. Convocabatur tum populus per V Ve-
 delortas: Constructà pyrā Crive ad populum verba faciebat,
 admonēs eos, ut Deos suos ex animò colerent, deinde inter-
 rogabat an eos poeniteret quod Deos tam frequenter flagi-

tiis suis offenderint. Annuente populo dicebat se Diis pro peccatis populi seipsum offerre velle; Succensâ itaq; pyra comburebat se ipsum. Sequentē die Weidelottæ alium Crive ex suò numerò coram populò proclamabant, cum à Diis ad hoc munus denominatum dicentes. Henneb, in Tract. de Vet. Prus. pag. 13. seq. ex Grunov. Tract. 3. cap. 1. Alii Sacerdotes inferiores dicebātur WEIDELOTTÆ, à quibusdam etiam appellantur VLURSKAITI, ut à Johanne Meletio, qui nominis Weidelotarum non meminit. Occurrit etiam hoc nomen *WURSKAITVS* pro *Weidelotta* apud Weissel p. 19. Alio nomine etiam dicebantur SIGONOTTÆ. Weissel p. 2). b. quod nomen etiam exteris Scriptoribus fuit notum. Author quidam Anonymus qui in fine Sec. X. vitam S. Adelberti scripsit (quæ Vita Cosmæ Pragensi tribuitur à quibusdam, sed perperam,) cum recensuisset quomodo Adalbertus in Prussiam veniens Populo prædicarit Evangelium, addit: *Proflit ex furibundò agmine igneus SIGGO & totis viribus ingens jaculum movens transfigit ejus penetralia cordis: Ipse enim Sacerdos idolorum & Dux conjurata Cohortis velut ex debito prima vulnera facit.* In vitâ Adalb. in fin. Illi Weidelottæ sive Sigonottæ fuerunt duplices: Alii in Rykajoth qui in circuitu *Quercus Romove* magnò numerò habitabant: Alii in pagis hinc inde fuere dispersi, & reperiiebantur inter Weidelottas Viri & fœminæ, omnes provectæ jam ætatis. Viri non poterant attingere fœminas, neq; fœminæ viros. Scoriantes Weidelottæ igni cremabantur. Henneb. de Vet. Prus. pag. 15. Ejusmodi Weidelottam adhuc suò tempore circa An. 1531. in Diœcesi Pobetenſi in Samlandiâ latuisse testatur Hennebergerus l. c. D. Cœlestinus Mislenta officia Sacrificulorum dicit fuisse (1) sacrificare (2) homines in cultu Deorum informare (3) modum vivendi præscribere

C

(4)

(4) Devote orare (5) populo benedicere, inq. modo benedicendi plebi praire (6) de dubiis & perplexis responsa dare.

VII. De ipso cultu Deorum in genere notamus, quod ad Prussorum sacra *Christiani* non fuerint admisi, & si aliquando contigisset Christianum (vel etiam alium extraneum) sacra illa videre, statim sanguine suo illud expiare cogebatur: Et licet ille pœnam effugisset, non poterat tamen Diis illis aliter quàm sanguine litari. Casp. Schuz lib. I. Chron. Pruss. fol. 3. Testatus idem est jam antiquitus Helmoldus Sec. XII. Scriptor. *Usg, hodiè profectò*, inquiens, *inter illos cum cætera omnia communia sint cum nostris, solus prohibetur accessus lucorum & fontium, quos autumant pollui Christianorum accessu.* lib. I. Chron. Slav. cap. I. Ipsi etiam Prussi non poterant in sacrarium Quercus Romove ingredi præter Pontificem ipsorum Cryvve Kyrveyto & præcipuos Weidelotas. Fuisse enim perhibentur circa hanc quercum vela Sericea, octo (secundum alios septem) ulnarum in altitudinem extensa. Dum sacra fiebant, vel aliquis adorandi vel offerendi gratia ad Idola venerat, tum illi Deorum ministri velum, ut idola ab omnibus conspicerentur, à Quercu removebant. Alex. Gvagvin. in descript. Pruss. Hoc etiam ad cultum Deorum in genere notandum est, quod *humanis victimis* Prussi soliti sint ipsis (Præsertim verò Picollo & Patrimpo, ut notat Henneberg. de Vet. Pruss. p. II. b.) litare. Non solum enim in bellum ituri hominem ab hoste captum Diis immolabant, ut in Originibus Prussicis ex Grunovio & Hennebergerò probavimus, sed etiam in bellò Ducem hostium captum solebant proprio eqvo imponere, pedibusq; equi ad diversas arbores alligatis in honorem Deorum comburere. *Ordens Chronick* fol. 110. Si plures captivi fuerunt, sorte designabatur, qui Diis immolari deberet. Henneberg.

neb. de Vet. Pruss. p. 8. b. Forſan etiam hunc morem didice-
runt à Gothiſ Pruffiam antiquitùs incolentibus. Nam &
apud Gothos Scandinavicos homines Diis immolabantur,
vid. Adam. Bremſ. de ſitu Dan. cap. XCIV. (234) p. 153. &
Scholiaſtes ejus ad caput citatum. In ſpecie quoq; captos ab
hoſte Diis apud Gothos fuiſſe immolatos, tradit Johan.
Schæffer. in Vpſal. Antiq. cap. X. p. 136. Ex fluxu etiam ſan-
guinis immolatorum de futurâ proſperitate angurabantur
Veteres Cymbri, Septentrionales populi, ut teſtatur Strabo
lib. VII. id quod noſtro etiam Pruffos feciſſe, probavimus
in Origin. Pruff. n. II. Porro apud Pruffos Veteres *albi equi*
Diis immolabantur, Nec licebat ulli Prufforum album
eqvum ad uſus domeſticos ea propter adhibere. Henneb. de
Vet. Pruff. p. 8. a. b. Præda in bello capta in quatuor partes di-
videbatur: Prima in honorem Deorum comburebatur: Al-
tera cedebat Pontifici Kirvayte. Henneb. de Vet. Pruff.
pag. 8. b. Cum aliquid populo nomine Deorum denunci-
andum erat, portabant Weidelotta ſuum Criye Kyrveyto hu-
meris ſuis, collocabantq; ipſum ſuprà ſtruem lignorum.
Ibi confidens credebatur cum Diis colloqui; quod igitur
populo dicendum erat, illud Weidelottis indicabat, qui
illud iterum populo circumſiſtenti denunciabant. Sim.
Grunov. tractat. 3. c. 1. & ex cò Henneb. de Vet. Pruff. p. 13. b.
Peculiaria Deorum illorum Picolli, Percuni, Potrimpi, mu-
nera fuerunt ſequentia: PICOLLO conſecratum erat *mortui*
alicujus hominis caput, teſte Alex. Gvaginò l. c. Hēnebergerus
dicit etiam potuiſſe ſervari *caput mortua pecud.* Huc forſan
referre poterimus morē Gothorum qui in honorē Othini
ſui, quem noſ Veterum Prufforum Picollum fuiſſe diximus,
ex craniis occiſorum à ſe hominum bibebant. Vid. Schæ-
ffer. in Vet. Vpſal. cap. X. fin. pag. 152 In feſtis Principalioribus
ſebum Picullo cremabatur in ollâ, In ædibus *Supanorum* i. e.

Nobilium & Magnatum, aliquo mortuo, sæpius apparere Picollus, & qui ipsi nihil offerre volebant, eos noctu mirè divexare. Si neq; hoc curaretur, Deusq; ille tertium rediret, sanguine crimen expiari. Weidelota quippe sibi vulnus in brachio infligebat, ut sanguis efflueret, tum si sonus aliquis audiebatur intra Sacrarium, habebant hoc ut signum placati Numinis. Henneb. de Vet. Pruss. pag. 10. Weissel, & alii. PERCUNO perpetuus ignis alebatur, quænis lignis semper apposis. Hoc igne holocausta comburebantur. Si contigisset aliquando negligentia Ministrorum ignem extinguvi, Weidelota, cujus erat officium curam ignis gerere, capitali supplicio afficiebatur. Gvagin. Henneb. Weissel. Fuit hoc etiam apud Lithvanos in usu, qui itidem in Kierni Principis sui honorem in edito colle, Dzievvaltovia propinquo, inter alia sacra perpetuum ignem quercu alebant per certos & ad hoc ipsum electos Sacerdotes. Cojalovvicz Part. I. Hist. Lith. lib. II, pag. 45. Coelò tonante putabant Prussii suum Krive Kirvveyto cum Percunò loqui, ideo in terram procidebant, his verbis Percunum adorantes: **Devus Percunos Absolomus.** Rogabantq; ut sibi pluvias & serenitatem, justo tempore largiretur. Henneb. de Vet. Pruss. pag. 11. a. Johannes Lafficius Polonus aliam formulam precationis apud Lithvanos, Prussis conterminos, usitatam fuisse refert: Ibi enim cœlo tonante agricola capite detecto & succidia humeris per fundum portans hisce alloquitur Percunum: **Percune Devaite nie mustiund mana/ diewu melsutawi palti mießu.** *Cohibe te, inquit, Percune neve in meum agrum calamitatem immittas: ego vero tibi hanc succidiam dabo.* Verum postquam nimbus præterit, carnes ipse absumit. In Tract. de Diis Samogit. p. 300. POTRIMPO in perpetuum cultum *Serpens*, ollæ impositus, conservabatur, & lacte, ut commodius viveret, alebatur. Olla manipulis

pulis frumenti erat contexta. Henneb. in Chron. fol. 465. Si
alias Potrimpo honor aliquis exhibendus erat, Weidelora
tribus diebus jejunare & in nudâ terrâ cubare cogeatur,
antequam illud fieret. Henneb. in Tract. de Vet. Pruss. p. II. b.
Suffitus fiebat Potrimpo ex thure & cerâ. Infantes etiam in
honorem ejus immolabantur. Henneb. in Chron. fol. 465.
fin. Sangvine immolatorum hominum pecudumq; Qver-
cus illa in Urbe Romove adeo fuit conspersa, ut horrorem
aspiciētibus incuteret. Terrorem hunc augebant ipsi quoq;
Dii, qui sæpius illò in locò tonitrua, pluvias variasq; tempe-
states excitabant. Apparebant insuper hominibus in formâ
Serpentum, Draconum, ignis, & aliarum horribilium re-
rum. Schuz in Chron. Pruss. lib. I. fol. 4. a. In aliis etiam Syl-
vis ejusmodi spectra spectantium oculis se se ingerebant.
Vid. Joan Lafficius Polonus in tractat. de Diis Samogit. pag.
299. Idem de Gothis refertur, quod arbores Diis sacratas
sangvine immolatorum consperferint. Vid. Adam. Bremen-
sis: lib. de situ Dan. c. XCIV. (234.) Sic etiam Lucanus de Scy-
tis lib. III. v. 105. dicit:

Omnis & humanis lustrata cruoribus arbor.

VIII. Cæterorum Deorum cultum ex sequētib; Festorū
solēnitatibus cognoscemus. I. Die S. Gregorii. i. e. d. 22. Mart.
PERGUBRIO Deo germinum, sacrificium facere solebant
Prussi, Festum ipsum appellabatur *Pergubri*. Celebrabatur
autem sequenti modò: Rustici conveniebant in unâ domò,
ubi eos cerevisiæ dolium unum atq; alterum expectabat.
Sacrificulus tenebat dextrâ obbam sive pateram (ex talibus
etiam vasis antiquos Gothos bibisse concludunt quidam
indè, quia hoc Paulus Diaconus asserit de Longobardis
quos ex Scanzia oriundos esse putant. *Quod genus poculi,*
ait Paulus Diac. apud eos Schala dicitur, lingua vero Latinâ pa-
tera vocitatur. lib. de gest. Longob. cap. XXVII.) cerevisiā
plenam,

plenam, invocatoq; Dæmonis nomine decantabat illius
laudes, quarum iutium dat nobis Martinus Murinius: **O**
Wesporie Dewe musu Pergubrios & *O Domine*
Deus noster Pergubrios, In sequentibus hæc fermè dicebat:
Tu abigis hyemem, tu reducis amœnitatem veris: per te agri &
horti virent: per te nemora & sylva frondent. Joan Meletius
de Relig. Pruss. non long. à princ. Cantilenà finitâ, den-
tibus apprehendens obbam, ebibebat Cerevisiam nullò
adhibitò manus adminiculò: ipsam obbam ita epotam
retrò supra caput jaciebat, Quæ cum è terrâ sublata, iterūq;
impleta esset, precabatur Sacrificulus sive Wurskaites Per-
cunum, ut pluviam largiretur, Pickollumq; cum suis sub-
ditis abigeret, ebibebatq; eodem modò cerevisiam. Post hac
Wurskaites tertio *Schwayxtixum* Deum adorabat ut justò
tempore fruges gramine & pecora lumine suò collustraret
& foveret. Quartò *Pilvitum* orabat ut largiretur gramina &
messẽ uberem. In honorem autem singulorum Deorum
obbam cerevisiæ ebibebat, sine adminiculò manus. His per-
actis omnes quotquot aderant, bibebant ordine ex obbâ
implerâ, atq; in laudem Pergubrii hymnum canebant:
Posteà epulabantur totâ die, choreasq; ducebant, Johannes
Meletius l.c. *Weissel in Chron.* p. 20. Quamvis Meletius cul-
tûs aliorum Deorum præter solum Pergubrium in hõc festò
nullâ faciat mentionẽ. II. Mense Augustò cum jam fruges ad
demetendũ essent maturæ, congregabantur Rustici in agris
ad sacrificium, quod lingvâ Rutenicâ dicebatur *Sazineck*
i. e. initium messis. Congregatis agricolis, si divitem mes-
sem Dii largiti fuerant, exhortabatur Sacrificulus juven-
tem ad gratiarum actionem. Finiebatur hoc sacrum ex-
haustâ obbâ cerevisiæ. Si verò minus uberem messẽ à Diis
adepti fuerant, invocabat Sacrificulus *Auschvveitum* ut
oraret Pergubrium, Percunum, *Schvayxtixum*, *Pelvitum*
aliosq;

aliosq; Deos, ne sequentibus saltem annis largam messem
denegarent agricolis. Confitebantur etiam omnes peccata
sua, quibus Deos offendissent. Deinde singuli pro faculta-
tibus suis conferebant frumentum & cerevisiam; foeminae
afferebant panem ex primitiis frugum coctum; Exigebatur
etiam multa ab illis, qui scelus aliquod perpetraverant:
Pecunia autem inde collecta in commune conferebatur,
ut inde convivium instrui posset. Hoc convivium tam diu
durabat, quoadu cerevisia supererat, Weissel in Chron. pag.
20. Sacro peractio unus ex congregatione illa delectus mes-
sem solenniter auspicabatur, manipulum autem demessum
domum secum deferebat. Postridie omnes, primo illius
Domestici, deinde ceteri quibuscunq; placebat, messem
faciebant. Johannes Meletius. III. Finita messe, frugi-
busq; collectis sub finem mensis Octobris iterum solenne
sacrificium instituebant, quod Rutenica lingua **Ozinec**
i.e. consummatio messis dicebatur: Ibi Rustici ex toto pago,
aliquando etiam ex pluribus pagis coacti, mensae scenum,
postea panem, ac ab utraq; parte duo vasa cerevisiae plena im-
ponebant. Deinde adducta utriusq; sexus domestica anima-
lia, Suem, gallum, anserem, vitulum, (addit Murinius ovem
& **arictum**, caprum & capram) sequenti ritu mactabat Sacer-
dos sive Weidelota: Nempe certa verba prolocutus, anima-
lis caput ceteraq; membra fuste verberabat, quem cetera
turba sequebatur eadem agens & sequentia verba profe-
rens: *Hac tibi O Ziemiennik Deus* (sic sine dubio Pergubrium
vocabant) *gratias agentes offerimus, quod nos hoc anno conser-*
vaveris incolumes & omnia nobis abunde dederis: idem ut &
in posterum facias. precamur. Antequam vero carnes mactati
animalis comederent, unusquisq; eorum (ut vult Gvaggi-
nus) vel Sacerdos ipsorum (ut asserit Murinius) ferculi por-
tiunculam abscissam in omnes adium angulos abiciebat
hac

hæc verba prolocutus: *Accipe O Ziemiennik gratò animo sacrificium atq; latus comede.* Tum demum ipsi quoq; lautè epulabantur. Hunc ritum suà adhuc memorià in nonnullis Lithvaniæ atq; Prussiæ locis observatum fuisse testatur Lassi-
cius l.c.p.306, Murinius insuper, vel potius ille cujus Chronicon interpretatus est, addit suò tempore hoc observari solitum in Curlandià & Livonià, item in Sambià Prussiæ provincià, ut & in districtibus Insterburgensi, Ragneten-
&c. Vid. Murinius in Chron. Pruss. cap. V. pag. 8. Con-
vertendum in honorem Deorum bibendi etiam apud Gothos fuisse usitatam fuisse probant Joh. Loccen. lib. II. Antiq. cap. XXI. & Joh. Schæfferus in Vpsalia Antiq. cap. X. p. 143.

IX. Præcipuum sacrificium quod finitâ messe fieri solebat, fuit illud, quò *Caprum* sacrabant & immolabant, quod sacrum adhuc superiori seculò in Sambià (unde Samlandi dicti die *Wockheiltger*) fuisse in usu multi testantur: Georgius Sabinus Primus Academiæ nostræ Rector sic eà dere canit lib. 5. Eleg. 5.

Utq; bonis studiis, ita moribus excolit urbes (Albertus)
Imbuit ac verâ Religione Dei

Namq; ferox hominum genus est & agreste sub Arcè
Notitiam nondum quod pietatis habet.

Cæruleos instar sed adorat Numinis Angves
Maestatq; litat sacra nefanda capro

Valentinus Screkius in Carmine Gratulatoriò quod scripsit in felicem Alberti Ducis è castris An. 1563. reditum sic scribit:

Impia Religio vanis agitata sub aris
Cessit, & hoc cæpit sub Duce pulsa fugam.

Nam populus quondam qui Numina vana colebat
Auxilii quibus & nil rationis erat,

Pars Satyros, Faunosq; leves venerata: litabat
Fumida suppositis ignibus exta capri.

Et Johannes Funccius: *Populus, inquit, agrestis & Dæmo-*
niorum cultui deditus in eâ terrâ habitabat. Quod reliquæ in
hodiernum diem testantur. Religio summa cum Mosis instituti-
one de sacrandò & immolando hircò in festò propitiationis in
multis conveniebat; Quem sacrificandi hirci morem Sudavii—
ad hunc diem (licet manifestè non ausint prohibente eorum ne-
fas pio Principe Albertò) observare dicuntur. In Commentario
ad Chronolog: suam lib. 10. ad An. Chr. 1217. Porro Simon
Grunovius qui circa An. 1524. Chronicon suum conscripsit,
testatur insuper, se ceremonias in hoc sacro frequentari so-
litas oculis suis vidisse. Refert enim se aliquando fortè
fortunâ domum quandam rusticam intrasse, in quâ multi,
quoniam hoc palam non licebat, clam congregati fuerant
agricolæ. Hi simulac Grunovium conspiciunt, omnes
ipsum adoriuntur, mortem ipsi presentissimam minantes.
Grunovius intantò periculò constitutus, Prussicâ lingvâ
ipsum alloquitur, mortemq; deprecatur. Rustici auditâ lin-
gvâ Prussicâ præ gaudiò exultare incipiunt, clamantes:
Sta nussen Rikie/ nossen Rikie; i. e. Hic noster
Dominus, noster Dominus. Posthæc juramentò ipsum ob-
 stringunt (quod in nomine Percuni præstare coactus est) se
 nunquam hoc Episcopo, in cujus Diocesi habitabant, in di-
 caturum. Ritus verò in sacrificandò hircò observabantur se-
 quentes: Conveniebant rustici aliquando vel è sex pagis in
 horreum, ubi ignis in longitudinem lignis dispositis con-
 structus erat. Viri caprum adducebant; Fœminæ verò adfe-
 rebant farinam triticeam (secundum Meletium filigineam)
 eamq; subigebant. Omnibus paratis Weidelotta, Grunoviò
 teste sublimi folio insidens, ad rusticos verba faciebat de
 ipsorum Origine & rebus antiquitus gestis, deinde etiam
 de præceptis Deorum, quid illi ab hominibus fieri velint.
 Postea Weidelotta utrâq; manu caprò introducto impositâ

invocabat ordine Deos supra num. III. & IV. enumeratos, Occopirnum, Antrimpum & alios. Inde singuli rustici Weidelotæ peccata sua confitebantur. Subhæc omnes, quotquot in horreò præsentés erant, extollebant caprum (Murinius eorum quindecim numerat cap. V. p. 8. seqq.) sublimemq; tenebant, donec hymnus decantaretur. Eò finitò rursus demittebant caprum in terram. Tum sacrificulus hortabatur populum, ut solenne hoc sacrificium à majoribus piè institutum summâ cum reverentiâ facerent, ejusq; memoriam religiosè ad posteros conservarent. Concione ad populum habitâ ipse mactabat caprum sanguinemq; patinâ exceptum dispergebat, teste Johanne Meletio. At Grunovius dicit se vidisse quomodo Weidelotæ capro caput amputarit, rustici verò adstantes sanguinem effluentem vasibus exceperint, pecoriq; suo agro bibendum dederint. Addit Weisselius summâ curâ Prussos cavisse ne sanguis in terram efflueret, eoq; conspersisse omnes suas fortunas & omnia pecora. Posthæc capri carnem pelle nudatam secabant in partes, asseribusq; impositam assabant in furnò, ut Auctor est Grunovius testis oculatus. Joh. Meletius verò & Waisselius dicunt carnem fuisse coctam. Dum caro assabatur sive coquebatur Rustici singuli coram Weidelotâ ingeniculabantur, in quorum ille capillos involans eos misere vellicabat, sed mox vice versâ rustici simul omnes in VVeidelottam irruentes capillos ipsius itidem vellicabant. Quò majorem ille clamorem edebat eò magis Dii putabantur populo esse propitii. Deinde mulieres quoq; docebantur, quomodo vitam suam instituere deberent, teste Grunov. Hinc dum caro coquebatur vel assabatur viri ignem illum circumstabant (secundum Meletium) vel circumsidebant (secundum VVaisselium) mulieres verò parabant è farinâ siligineâ (secundum Meletium) vel triticeâ

ut vult Waisselius) placentas, quas non imponebant in furnum, sed viri ignem circumstantes hinc illinc per flammam eas jaciebant & jactatas excipiebant, idq; tamdiu donec illæ indurescerent & coquerentur. Tandem ad epulas digressi rustici, potabant ex cornubus (more Septentrionalium populorum, adeoq; & Gothorum. Vid. Plin., lib. XI. Nat. Hist. cap. XXXVII.) totâ die & nocte usq; ad vomitum. Ebrii summô mane extra villam progrediebantur, ubi reliquias ciborum certô in locò operiebant, ne à volatilibus vel à fœris diriperetur. Omnibus his peractis dimissoq; cœtu suam quisq; domum repetebat. Johâ. Meletius Schuzius. Thom. V. Waisselius pag. 2. Ad consecrationem *Capri* referimus etiam consecrationem *SUIS*, quam instituerunt An. 1531. rustici in districtu Pobetensi in Samlandia. Ibi enim in conspectu utriusq; sexus per sacrificulum certis ritibus ex sui medio ad id negotii delectum cum recitatione precum idololatricarum & invocatione Dæmonum Sus macabatur fausti ominis ergô, cujus caro à sacrificiis omnibus frustatim assa devorabatur continuatis epulis ad septimû usq; diē. Extra verò ossa & residuæ particulæ igne cremabantur, testibus Hennebergero de Ver. Pruss. & D. Cœlestino Mislenta l.c. Quorum postremus etiam tradit, antè aliquot annos certo & statò tempore rusticos sub noctem omnis generis edulia præparasse, primitias quoq; certâ precatione consecrassè; Ad quarum absorptionem Dæmone invitato Hypocaustum benè obserasse, ut Dæmon solus relinqueretur: Omnibus tum domesticis sub extremo vitæ discrimine in domicilium illud eo tempore interdicebatur ingressus. Credebatur hoc pacto Diabolus placari, ne noxam aliquam pecudibus vel frugibus inferret.

X. Sed & specialem quorundam Deorum cultum videamus. *Gorcho* Deo cibi potusq; prope Heiligenbeil oppidum

dum perpetuus itidem ignis servabatur. Sacrificia ipsi ob-
lata, erant primitiæ fructuum & pisces primò capti. Imo &
alibi sacrificia *Gorbo* offerebantur, ubi ad lacum ingens
aliquis lapis reperiebatur (ut inter Frauenburgum, & Tol-
kemitam ad Habum adhuc suò tempore testatur I lennem-
berg de Vet. Pruss. pag. 10.) Ibidem Piscatores exituri piscatù
in horreò quodam conveniebant, Ibiq; magnam vim pisci-
um coctam asseribus imponebant in honorem Perdoyti
Dei Nautarum & piscatorum. Inde epulabantur & hibe-
bant cerevisiam suam ex pateris. Tandè Sigonota quasi Deo
placato ventos dividebat indicandò, ubi & quò die piscari
deberent. VVeissel. pag. 24. seq. *PUTSCÆTUM lucorum*
sacrorum Præsidentem sub Sambucò in terrà habitantem Bo-
russi, Samogitæ, Lithvani, Rutheni & Livones singulari ve-
neratione colebant, teste Johanne Meletid. Litabatur ei
pane, cerevisiâ, aliisq; cibis sub sambucò positis. Invoca-
bant autem Prussi veteres Putscetum vel Puschatum, ut
placatum redderet Marcopolum, Deum Supanorum sive
Nobilium, ne graviore servitute à Dominis ipsi premeren-
tur, utq; sibi mitterentur Barstuccæ, qui in horreà suà fru-
mentum congererent & congestum conservarent. BAR-
STUCCIS vel Marcopetis vesperi collocabant in horreò
super mensam mappâ instratam, panem, caseum, butyrum
& cerevisiam, invitantes eos ad Convivium. Nec dubita-
bant de futurò fortunarum suarum augmento si manè re-
perirent cibos illos absumptos. Qui etiam cibus maximè
fuit absumptus, cum in aliâ consecratione cumulatius ap-
ponebant. Quod si verò cibus intactus in mensâ remanse-
rat, tum magnâangebantur curâ, omnia improspere fore
credentes. Meletius l.c. VVeissel. pag. 20. b. Hanc superstiti-
onem adhuc superiori seculò fuisse superstitem testatur
Martin Murinius præsertim in Sambia, & quod maximè
mirum

mirum est, prope Choniciam in Pomorellia. Murinius in
 Chron. Pruss. cap. V. p. 7. Quando BARSTUCCÆ sive etiam
 alii spiritus, qui dicebantur *Coliky*, alicubi habitare vole-
 bant, quâ ratione suam voluntatem patrifamilias declara-
 rint, verbis Meleti dicemus: *In domo, ait ille, congerunt no-
 tū segmenta lignorum & mulctris lacte plenis imponunt varia
 animalium stercora. Quod ubi paterfamilias animadvertit
 nec dissipaverit segmenta, nec stercora è mulctris ejecerit, sed de
 inquinatò lacte cum omni familiâ suâ comederit, tunc illi appa-
 rere & permanere dicuntur.* Melet in sæpè allegatâ Epist. in
 med. Porro SERPENTUM illorum, qui sub fornace vel in
 angulò vaporarii fovebantur cultus sic se se habebat: Certò
 anni tempore precibus VVeidelotæ evocabat Serpentes
 ad mensam. Illi exeuntes per candidum linteolum ascende-
 bant mensam. Ubi postquam singula fercula dilibant
 rursus descendebant seq; in cavernis abscondebant. Serpen-
 tibus discedentibus homines læti fercula prægustata come-
 debant, certò persuasi, illò annò cuncta prosperè sibi even-
 tura. Quod si ad preces VVeidelotæ non prodibant, aut
 prodeuntes fercula non delibabant, magnam sibi homines
 calamitatem imminere rebantur. Johan. Melet. l. c. Illos
 autem *Serpentes* quos in cavis quercubus nutritos lacte su-
 præ diximus, sic colere solebant mulieres. Conveniebant
 statò tempore illos adoraturæ, precabanturq; ut viris suis
 vires largirentur, quò ab illis imprægnari possent. Henneb.
 de Vet. Pruss. p. 12. a. *Inanimatorū Deorum* cultus consistebat
 etiam in solenni adoratione, qui autè ritus fuerint adhibiti,
 non adeò notum est. Ad cultum LACUUM illud pertinet,
 quod in cōsecratis lacubus non licuerit piscari. In consecra-
 tis etiā SYLVIS arborem excindere nefas fuit: *In eam caligi-
 nem mentis, aut Matih. à Micheviâ, prolapsi fuere, quod & Syl-
 vaille & aves feræq; in illis consistentes sanctæ forent, & quic-*
quid

quid in illos ingrederetur, ut Sanctum cenferi deberet, violanti quoq; nemus, feras vel alites manus aut pedes Dæmonum arte curvabantur. lib. IV. Chron. Polon. cap. XCV. fol. 195. Commune hoc fuit Pruffis cum veteribus Romanis de quibus Ovidius lib. III. Amor. Eleg. 1

Stat Vetus & multos incidua Sylva per annos

Credibile est illi Numen inesse loco.

Idem apud Gallos fuisse observatum testatur Sulpitius Severus in vitâ S. Martini. Pruffos verò hoc vel à *Litvuanis*, vel à *Gothis* accepisse verisimile est, de quibus Vid. Ericus Vplal lib. Hist. Sveo Goth. pag. 2. Johan. Loccen in antiquit. Sveo Goth. lib. I. cap. III. pag. 18. Æn. Syl. in Discript. Lithvan.

XI. Præterea habebant Prussi inter se sortilegos qui Ruthenicè *Burty* vocabantur. Forsan autem iidem erant, qui aliàs dicebantur *VVeidelotæ* sive *Vurskayti* sive *Siganoti*. Illi *Potrympum* invocantes ceram aquæ infundebant atq; ex signis & imaginibus in aquâ interfundendum effictis vaticinabantur, de quibuscunq; rebus interrogati fuerant. Meletius novisse se dicit mulierculam, quæ cum diu reditum absentis filii frustra expectasset (erat enim filius ex Borussia in Daniam profectus) consuluit Sortilegum à quò edocta est illum naufragiò periisse. Cera enim in aquam fusa expressit formam fractæ navis & resupini effigiem hominis juxta navim fluitantis. Melet. l. c. post med. Iidem Sortilegi, opinor, adhibebantur à Veteribus Prussis in aliis casibus. Ut cùm res alicui furto ablata erat, afferri jubebat cerevisiam, accersere etiam solebat Sortilegum sive Siganotam (qui plerumq; pauper, cæcus vel claudus erat. Cùm verò interrogaretur cur adeo pauper esset, respondebat, Deorum sic esse voluntatem.) Hic invocabat Deum Cœli Occopirnum & Deum terræ Puschkaytum, rogans ne furem paterentur aufugere. Inde acceptis duabus patinis impone

imponerebat ille, cui aliquid furto ablatum erat, patinæ unius duos nummos, unum pro se, alterum pro fure, fundebatq; de super cerevisiam. Postea crucem sortilegus cretâ pingebat in patinâ, illamq; concutiebat. In quâ tum parte nummus furis reperiatur, in eam plagâ mundi contulisse se furem pronuntiabat. Deinde in alterâ patinam, collocatâ in terrâ, infundebat cerevisiam, & suspiciens in cœlum hæc pronuntiabat verba: *Benigne Deus cœli & terræ & stellarum per tuam potentiam jube tuos servos ne honor tuus tibi eripiat, ne fur hujus rei (nominabat autem rem furto ablatam) quiescat, donec reversus rem quam furatus est, reddiderit.* Tum attollebat patinam quærebatq; num bulla aliqua in cerevisiâ reperiatur. Si hanc reperiatur, persuasus erat, esse suas preces exauditas: Nullâ verò bullâ repertâ, exhauriebat cerevisiam, infundebatq; recentem, idq; tamdiu reiterabat donec signum aliquot exauditi orationis suæ animadverteret. Hæc Waisselius. Sed Dietmari Chronicon addit, quod Sigonota, conspecto illo signo, ceremonias suas finiverit illis verbis: *In nomine Patris, Filii & Spiritus Sancti, Amen.* Et hoc sub adhuc tempore fuisse frequentatum tam à Germanis Prussiam inhabitantibus, quàm à Prussis superstitionibus, non solum in Sudiniâ (quamvis ibi præcipue) sed etiam aliis in locis, testatur Weissel, in Chron. Pruss. pag. 22.

XI. Jam placet ulterius progredi & ritus Prussorum Gentilium in *Nuptiis Funeribusq;* usurpari solitos enarrare. Et quidem de ritibus NUPTIARUM prius agemus. Quamvis autem apud Prussos licuerit tot ducere uxores quot quisq; emere poterat, testibus Aeneâ Sylviô, Matthiâ à Michoviâ, Cromerô & aliis; ordine tamen observatô & certis ritibus adhibitis uxores ducebant, imò adeo sanctum habebant Conjugium ut etiam adulteros, violatores ejusdem, comburerent procul à conspectu Deorum, combustorumq;

rumq; cineres in viam publicam spargerent. Henneb. de Ver. Prufs. p. 17. b. Joannes Meletius apud veteres Prussos testatur virgines multis in locis gestasse tintinnabulum, quod funiculo alligatum à cingulò pendeat usq; ad genua. Nec duci sed rapi eas olim à viris solitas memorat, Veteri Lacedæmoniorum more à Lycurgò instituto, idq; non à Sponsò sed à duobus Sponsi cognatis. Postquam verò raptæ essent, tùm primum requisitò parentum consensu matrimonium contrahebatur. Addit Waislelius Sponsum Parentibus Sponsæ dedisse dotem pro ratione facultatum suarum, quæ aut in numeratâ pecuniâ, aut in frumentò, aut pecore consistebat. Hunc autem morem sinè dubiò à Scythis, quorum pars erant Alani, & Gethis traxerunt, de his enim Ioratius sic canit lib. 10. Carm. Od. 24.

Nec dotata regit virum

Conjux, nec nitido fudit adultero

Dos est magna parentium

Virtus & metuens alterius viri

Certo fœdere castitas.

Id quod etiam de Tartariis sive Scythis Asiaticis narrat M. Paulus Venetus lib. 1. de Regionibus Orientalibus. cap. LV. & LXII. de Gothis idem habet Joh. Loccenius quod uxores habuerint indotatas & quod apud ipsos adulterium fuerit capitale lib. 1. Antiq. Sveo Goth. cap. I. pag. 8. 9. Deinde apud Prussos moris erat ut Sponsa consanguineos invitaret ad convivium. Ubi convenerant, post cœnam rogabat eos ut secum virginitatem suam deplorarent. Annuentibus illis, Sponsa in has prorumpebat lamentationes: O huc, O huc, O huc, quis patri & matri meæ lectum deinde sternet? quis ipsorum pedes lavabit? quis ignem servabit? Charissime catelle, Charissime gallinula, succula &c. quæ vobis in posterum pabulum præbebit? hac lamentatione finitâ deducebant eam cognati ad focum,

focum, ubi rursus lamentationem suam ordiebatur:
O hue / O hue / O hue / Moy Mily Swenty
Pomte / i. e. *mi chare sancte ignis, quis in posterum ligna*
portabit ad te alendum, ut pater & mater possint calefieri, &
quis te conservabit? hæc cognati itidem faciebant, consolaba-
bantur tamen sponsam, ne nimium luctui indulgeret. Si-
miles his lamentationes apud Samogitas hodiernos in usu
esse certum est. Cùm deinde Sponsa deducenda esset ad
Sponsum, mittebat ei Sponsus currum. Huic insidens Spon-
sa simulac ed limitas Sponsi sui pervenerat, effusò cursu ali-
quis ipsi obviam procurrebat, alterâ manu torrem sive li-
gnum accensum, alterâ cantharum cerevisiâ plenum te-
nens, & ter currum circumibat hæc verba proferens: *Quem-*
admodum ignem apud parentes tuos conservasti, sic etiam apud
Sponsum facias. His dictis cantharum Sponsæ porrigebat, ut
biberet. Auriga in hoc curru erat benè vestitus dicebaturq;
ipsorum lingua **Kellewese**: Simulac ille ad januâ ædium
Sponsi pervenerat, quàm citissimè equò delabebatur, accla-
mantibus hospitibus in ædibus Sponsi consistentibus:
Kellewese periothe / Kellewese periothe. i. e. *Au-*
riga venit, auriga venit, uti hæc explicantur in Chron. Diet-
mari. Auriga equò delapsus in domum Sponsi irrumpebat,
sellamq; ad id jam paratam & pulvinari, cui mantile impo-
situm erat, ornatam, occupare nitebatur. Si primò saltu in
sellâ se collocare nō poterat, pugnis exceptus per aliâ janua-
m ab hospitibus ejiciebatur: si verò primò statim conatu
sellam occupaverat, ejus præmium erat mantile. Post-
hæc excepta ab hospitibus Sponsa collocabatur in eadem
sellâ, propinabaturq; ipsi catharus cerevisiæ. Inde Sponsa
deducebatur ad focum, aurigâ dictam sellam portante. Ad
focum iterum sellæ Sponsa imponebatur. Sediti pedes
lavabantur. Eadem verò aquâ, post lotionem pedum, con-
E spergi

spergi consueverāt hospites, lectus nuptialis, pecora omnia,
& tota suppellex domestica. Postea Sponsæ oculi more mul-
tarum gentium obnubebantur velamine, osq; oblinebatur
melle. Velatis oculis deducebatur ad singulas ædiū jan uas,
quas contingere ac pulsare dextrò pede jubebatur his ver-
bis: **Traufē/traufē**/id est *pulsa, pulsa*. Ad singulas januas
conspergebatur triticò, siligine, avenâ, hordeò, fabis, pis, &
papavere. Qui namq; sequebatur Sponsam gestabat saccum
omni genere frumenti plenum, illamq; cum conspergeret,
dicebat nihil horū defuturum sponsæ, si religionem piè co-
luerit, remq; Domesticâ eâ diligentia, quâ deceret, curaverit.
His ita peractis, auferebatur Sponsæ velamen ab oculis, con-
viviumq; celebrabatur. Noctu cum Sponsa in cubiculū de-
ducēda esset, aliquis ex cognatis Sponsæ crines abscindebat.
Inde foemina præsentis capiti Sponsæ fertum (Prusicâ lin-
gvâ **abgloyte** dictum) imponebant niveò linteolò ad or-
natum, addētes hæc verba; *Filia est caro de carne tuâ, hoc ergo
fertū portabis, donec filium pepereris, Et quando hoc fiet, virgini-
tas tua finietur.* Posthæc deducebatur ad thalamum, in
quem benè pulsata & verberata conjiciebatur Sponsòq;
tradebatur. Tum loco bellariorum afferebantur testiculi
caprini, vel ursini, quibus ipso nuptiarum die manducatis
conjuges credebantur fieri foecundæ. Eadem ex causâ nul-
lum animal castratum in nuptiis mactabatur. Tandem ho-
nestissimæ quæquæ matronæ ad Sponsam accedentes in-
struebant illam quomodo sese gerere deberet erga maritum
suum. Sequenti die ante omnem cibum reliquias illorum
bellariorū comedebant. Joan Melet. post med. Weissel. p. 24.

XIII. IN FUNERIBUS sequentes observare solebant
ritus. Si quis lethali morbo decumberet, accersi jubebat co-
gnatos omnesq; vicinos, sive incolas illius pagi, ipsiq; dari
mandabat unum atq; alterum dolium cerevisiæ. Congrega-
ti

ti illi strenuè potabant, mortem ægroti expectantes ut
eum deinde deflerent. Imò non semper expectabant, donec
ægrotus moreretur. Nam lege, ut ferunt, à Weidevuto latâ
concessum fuit, ut filius suos parentes occidere posset, si
nimio confecti senio, laboribus non essent tolerandis. Mar-
tin. Murin. in Chron. Pruss. cap. II. p. 3. Concessit etiam idem
Weidevutus, ut ægroti Diis sacrificarentur & combureren-
tur. Henneb. de Vet. Pruss. pag 22. Divites habebant apud se
Weidelottam cùm ægrotabant, qui eos hortabatur ut memi-
nissent gaudiorum, quæ cum Diis post mortem habituri es-
sent. Si exactis quatuor mensibus morbus non remittebat,
votum faciebant Diis. Si nec tum morbus cessabat, adhibe-
bantur cineres ex igne Diis sacratò. Si neq; hoc opem fere-
bat ægrotò, tùm Weidelora volentibus id cognatis ægrotum
pulvinari injecto suffocabat. Magnatum etiam infantes
ægroti comburebantur. Henneb. l.c. p. 23. Si quis naturali
morte decessisset, vicini & cognati cadaver aquâ calidâ ablu-
tum, vestibus albis & calceis indutum locabant in sellâ cre-
ctum. Propinqui assidentes defuncto cerevisiam ex recenti
doliò mactræ infusam, paterâq; haustam propinabant, di-
centes: *Kayles mause gygynethe* i.e. *ego tibi propino.*
Epotâ cerevisiâ lessus funebris sequentē in modū institueba-
tur: *Heu, heu mihi, quare mortuus es? num tibi decrat cibus aut*
potus? quare ergo mortuus es? Heu, Heu mihi, annò habuisti for-
mosam conjugem? quare ergò mortuus es? Hoc modò lamen-
tantes enumerabant ordine omnia externa defuncti bona,
nempe liberos, oves, boves, eqvos, anseres, gallinas &c. Ad
quæ singula respondentes occinebant hanc nœniam. *Cur*
ergò mortuus es, qui hac habebas? Johan. Melet. Talis Lessus
in Samogitiâ adhuc hodiè apud agrestes in usu est. Posthac
iterum defuncto propinantes, & quasi in discessu valedicē-
tes rogabant, ut in futurâ vitâ parentes cognatosq; suos salu-

taret, precabantur etiam ut ipsi illis in locis benè esset. Peractis his munuscula dabātur defunctis scil. mulieri filiū cum acu, ut siquid in itinere discissum fuerit, refarciri posset. Virorum autem lateri gladius accingebatur: linteò etiam oblongo collum obvolvebatur, cui pecunia implicata erat in viaticū defuncto data. Cūm efferretur cadaver pleriq; cognati in equis vecti, currū, in quò cadaver vehebatur, comitabantur, districtisq; gladiis identidem aërem diverberabāt, vociferantes: **Geygeythe/ Begaythe/ Peckelle** i. e. *Fugite demones in infernum.* Mulieres funus comitabantur usq; ad limites pagi, Ibi palus erat terræ infixus, eiq; impositus nummus, ad quem decurrebant equis insidentes cognati. Qui primus arripiebat nummum, ostēdebat eum palām, quò cōspecto cœteri rursus ad cadaver currebant, eductisq; gladiis vel fustibus auras diverberabant, clamantes: **Begaythe Poculle.** Ad sepulchrum cūm venissent, circumire solebant ter currum, lessum ingeminantes. Weissel pag. 26. An cadavera illa combusta, an verò humata fuerint, non meminit Meletius, sed Weisselius utrumq; asserit. De crematione non est quod dubitemus, cum hæc testentur ur̃næ hinc inde repertæ. Terrā etiam Prussos cadavera tota aliquando condidisse non est improbabile, cūm utrumq; servarint aliæ quoq; gentes. De *Romanis* vide Plin. lib. VII. Nat. hist. cap. LIV. De *Græcis* Plato in Phædone. Conf. Kirchmā lib. I. de Fun. Rom cap. I. Circa sepulturā & hoc notat Weisselius quod fœminā sepultā colus fuerit combustus, in sepulturā viri aliud aliquod monumentum: Si verò defunctus fuerat ad Religionem Christianam conversus, tūm annulos æreos & armillas æreas in sepulchrum illata fuisse testatur. Addunt alii, quod Prussi, more plurimarum gentium soliti sint optimas vestes rogo injicere. Cum Nobilibus etiam canes Venatici, equi, arma, aliq; utensilia comburebantur.

Fidelis.

Fidelissimi etiam servi seipſos in rogam conjiciebant. *Or-*
denſ Chronick fol. 13. Joan Dlugofſ, lib. II. ad an. 997. f. 115. Imò
ſi aliquis magnatum mortuus fuerat, etiam conjux & quidā
Weidelotta ſeſe cum ipſo flammis tradiderunt. *Henneb.*
de Vet. Pruſſ, p. 23. Porro qui funus mortuo faciebant, nūmcs
projiciebant in ſepulchrum, tanquam viatico mortuum do-
nantes. Collocabant etiam panem & lagenam cereviſiā ple-
nam ad caput cadaveris in ſepulchrum illati, ne anima ſi-
taret vel eſuriret. *Meletius, l. c.* Hæc injectio pecuniæ in ſepul-
chrum fuit & apud Gothos in uſu, ut de ipſis teſtatur vetus
Scholiaſtes Adami Bremeniſis in Scholiis ab lib. Adami de
Sit. Dan. & reliq. *Septentrional. Regionum. num. 97.* Oblatio
autem ciborum ſuper tumulos defuncti, apud multas gētes
olim fuit in uſu, neq; hodiè deſūt hujus moris indicia. Poſt-
hæc uxor mane & vesp̄ri ſub ortum & occaſum ſolis ſuper
extincti conjugis ſepulchrum ſedens vel jacens luctum con-
tinuabat diebus triginta. Cognati verò celebrabant die tercio
ſexto, nono & quadrageſimo à funere convivia, in quibus
viri ſeorſim & mulieres itidem ſeorſim accūbebant. *Weißel*
pag. 26. Accumbebant autem tacitè tanquam muti, nec ute-
bantur cultris. Ad menſam miniſtrabant duæ mulieres, quæ
hoſpitibus cibum diſtribuebant, itidem cultrò non adhibi-
tò, cūm cibis jam antea fuerit in partes ſciſſus. Ad hæc epulas
invitabant poſtea animam defuncti ante januam conſisten-
tem: Singuli etiam de ſingulis cibis aliquid ſub menſam ja-
ciebant, animam eo paſci credentes eiſq; potum effunde-
bant. Si quid fortè fortuna de menſa decidebat in terram,
id non tollebant, ſed orphanis (ut ipſi loquebantur) anima-
bus relinquebant, quia aliàs nullos haberent cognatos, à
quibus exciperentur conviviò. Peracta cœnà ſacrificulus
ſurgens de menſa ſcopis domum purgabat, animasq; mor-
tuoꝝ ejiciebat tanquam pulices, atq; ſequentibus eas ro-
gaba

gabat verbis ut exirent: **Telypily Dufyce. Nunwen**
nunwen i.e. *edistis, bibistis animulae. Ite foràs, Ite foràs.* Post
 hæc convivæ inter se certarunt poculis. Mulieres viris pro-
 pinabant, & vicissim viri mulieribus, seq; mutuò osculaban-
 tur. Johan. Melet. in epist. citatâ in fin. Quædam ex his refert
 etiam Erasmus Stella: Sic enim ille de Widevvuti confiru-
 tionibus loquens: *Statuit & dies Natalitios, & funera pari*
modo celebranda, mutuis scilicet compotationibus, tum lusu &
cantu, absq; mœrore cum summâ hilaritate & gaudio: utq; alte-
rius vitæ spem præ se ferrent, illo saltem ostenderunt, quod ex-
utos spiritu armatos, vestitosq; ac magna suppellectilis parte
circumpositâ humarunt. Quo more usq; nunc sepeliuntur, addi-
to etiam potu melleo aut ex frumentis facto in testaceis vasis. In
funebri epulo partem obsonii potusq; vitâ defuncti manibus liba-
runt, bodieq; libant, pudendo illic Christianorum Præsulum dede-
core. Ex his omnibus satis superq; jam apparet Prussos ali-
 quam habuisse cognitionem de animæ immortalitate, aliàs
 tantò apparatu in demortuis suis sepeliendis non fuissent
 uluri. Quemnam autem statum animæ post mortem statu-
 erint Prussi, non eadem est opinio. Vincentius Kadlubkus
 Episcopus Cracoviensis, qui Sec. XII. floruit, dicit Getas (per
 quos intelligit Prussos) Pythagoricam Metempsychosin ra-
 tam habuisse lib. IV. Chron. Polon. cap. XIX. p. 512. Verba ci-
 tavimus in Originibus Prussicis. Sed si fidem Chronicis no-
 stris habemus, statuendum est Prussos credidisse animas in
 alium mundum demigrare, ibiq; in eodem statu, quem in hoc
 mundo habebant, permanere. Quapropter etiam cum ho-
 minibus comburebantur quamplurima, ut illis uti possent in altero
 mundo. Credebant etiam piis & impiis in alterâ vitâ dignam pro
 meritis retributionem fore. Ordens Chronicæ fol. 13 Henneb. de Vet.
 Pruss p. 12. ex Grunov. Tractat. II. cap. IV. Nos nobis gratulamur de
 magnâ ergâ nos Dei beniguitate, quâ nos è spissâ errorum gentiliū
 caligine eductos, in clarâ divinæ veritatis luce stitit.

COROLLARIA.

Subjectum Virtutum moralium est appetitus sensitivus
Præstantissima Reipubl. species est Regnum.



